


伊達譜



		一	六	和
		七	三	書
		三	九	門
二	一	三	九	類
冊	架	函	號	


247



庫	文	閣	內
五	天	三	和
八	三	三	書
函	九	九	
三	一	三	
架	冊	號	類

系譜 八三

內閣文庫	
番號	和 16339
冊數	2 (1)
函號	158 247

158-247





伊達政宗譜

淺草文庫

政宗藤原姓伊達氏也原先祖之所

邇則出自遠古天兒屋根神而後神

武帝創業之時神孫天種子命為之

輔佐天智帝治世之年天種子之昆

孫大織冠鎌足為之內臣專執朝政

始賜藤原朝臣姓其八世中納言山

蔭是先祖之所由繫也山蔭生於天
長仕於累朝沒於仁和其十世朝宗
初邑于常陸國中村居焉其子宗村
稱常陸守有子四人久治年中屬右
大將頼朝卿立功於奧列阿津賀志
山之役其事載諸東鑑是故略而不
記泰衡已滅之後徙封于奧列而居

伊達因以氏焉是時朝宗尚存故是
為伊達氏之始也自茲至于九世大
膳大夫政宗稟英銳之姿有韜世之
量巧和歌最長於雄略以併羽列長
并其隣郡靡然如草偃伊達家聲於
斯為盛其豐功盛烈流聞者尚多矣
然而今無可證以考記者文獻不足

故也。自茲六世而後至于左京大夫
植宗。以雄才有開土之功。遂知四十
餘郡。永正八年任奧州探題。亦於我
家不世出之主也。其後世屢值多艱。
運膺式微。憂在蕭牆。土境離析。家業
陵夷。自植宗過三世而後至于陸奧
守政宗也。父左京大夫輝宗母羽列

最上。城主源義守女也。永祿十年丁
卯八月三日生於米澤。小字梵天。幼
而忍默。遇事不問。羞顏以故。人皆以
爲非主將之器也。因失母氏之愛。一
日遊寺。見不動像。問曰。是何物也。寺
僧對曰。不動明王是亦佛也。曰。是已。
佛則應忍辱慈悲之姿。反如此。何也。

僧曰大慈大悲之心自這裏而出也
聞之頗有感悟之色及稍長英特志
氣盖世好武事嗜文筆於是遠近望
之如荆山玉始知其為寶

天正五年丁丑正月始加元服隨父
輝宗之意受先祖之諱稱藤次郎政
宗改美作守更稱越前守後改陸奥

守

同七年己卯冬娶田村大膳大夫清
顯女也

同九年辛巳從父於軍中服其勞輝
宗嘉其幹盡之志

同十一年癸未授家祚政宗不受辭
以年少輝宗復切言親族老臣亦固

請乃受之方年十七當時有大內備
前定綱者領鹽松境內小濱小手森
岩角新城樵山築館等地而累世屬
伊達氏之麾下頃年自與近郡戰得
累勝矜肆跋扈傍若無人眇視伊達
無禮太甚聞政宗受家祚來賀謝罪
宥且善待之逗留踰年既歸又畔且

潛倚附會津義廣以爲如虎靠山使
入責諭之不聽且答以誇言政宗切
齒欲討其罪義廣扶翼之因此痛恨
義廣

同十三年乙酉五月欲伐會津與群
臣議進兵之計皆曰其地峻塞而往
往有城不可以進兵雖一旦進之難

屯住如欲一々拔城而進損兵老師
如此則佐竹義重必來躡我後跋前
疋後必矣若非有內助不可以進兵
也因遣人求內助柴野彈正額之於
是謀以爲自率一軍由檜原口而入
別令一將由北方而入也故先令原
田左馬宗長督騎步若干潛越猿倉

嶺到會津北方彈正之宅欲相繼益
兵而未敢發會津北方士民聞左馬
之至大擾而繼聞其兵甚寡星馳而
雲合將圍彈正之宅左馬以兵寡不
能迎戰乃提彈正及其家屬燒家宅
而去敵兵追之甚急左馬殆危且戰
且走士卒鬪死以救左馬遂僅脫性

命以彈正及家屬來

同月三日政宗率兵侵會津屬縣檜原取之乃登大鹽山覘他境內其地嶮窄山邊有城守備甚嚴卒爾發軍恐難進退因引去乃發丁夫築堡于檜原令後藤孫兵衛領士卒若干據堡以保固檜原於是欲先拋會津討

大內備前未請他地理使畫工圖其境內來見之商議既定

七月廿三日軍於小手森田村清顯率兵來會大內備前自小濱來保護小手森也會津二本松皆出兵救援之政宗進軍屢挑戰堅守不出兵是日已晚政宗回營時城中出兵與後

軍相戰援兵亦合擊於是反旗分軍
爲三隊一隊當城兵一隊當援兵自
率一隊陣兩隊之間乃令麾下之卒
五百自山陰潛繞出敵傍一齊放銃
打城兵而騎兵亦大進城兵援兵共
敗而走我兵乘而擊之獲首百餘級
而退備前恐本城之擾以歸小濱留

其寵臣小野主水荒井半内等守城
明日令持銃手八百人連發以劫城
中力守不降已而過兩日伊達安房
成實勸進陣於城南竹屋敷其爲地
也城兵在前援兵在後衆議皆以爲
危成實曰吾聞不探虎穴不得虎子
政宗然其言

同月亦七日進陣于城南竹屋敷至
是城與援兵勢聲相阻城中大困主
水半内等訴曰願獻城往小濱與備
前共致死政宗不許曰若歸伊達免
死耳主水半内等不從曰如此乃反
也遂攻拔之殺戮及雞犬於是新城
樵山築館等皆燒城而潰

九月亦日入築館城逗留兩日欲攻
小濱城清顯曰不可也兵多城堅難
以俄成功先攻岩角城可也政宗然
之

同月亦七日將攻岩角城於是小濱
城中會津援兵聞之憂懼曰政宗取
岩角則吾屬無路可歸也鼎魚籠禽

何賴乎乃共謀勸備前曰速避此城
可也岩角已陷悔之無及也今夫會
津雖褊小躋屬城之雄田野士民隨
分有餘而所欠惟統御之臣是故我
府君義廣思卿渴仰已久矣如去此
投會津於卿雖不幸義廣之幸也定
細聞之心動遂弃城投會津去岩角

亦陷

同月廿八日政宗入小濱城逗留數
日近郡悉震二本松城主畠山義繼
大恐乃因輝宗乞修舊好於政宗不
許乞半割采地而降乃許之義繼喜
十月八日來謝輝宗延入正堂相見
甚謹舉盃爲壽是日市中有磨又者

向傍人戲曰今日義繼來欲試此一
劍霜汝等知其事耶左右以爲信然
二本松賈人在側聞之驚馳告其家
臣家臣呼義繼於座間附耳暫言之
義繼復反於座酒已數巡乃告別而
去輝宗送謝出于門庭時義繼其臣
數人共執輝宗爲質以歸百餘人扈

從我臣爲之不知所以爲也就跟從
行抱冰握火耳是日政宗在放鷹場
聞之急追及於高田之原將入二本
松之境輝宗叫曰速討義繼勿顧吾
以貽家醜也我輕卒聞其聲忽放鳥
銃彼聞鳥銃之響便害輝宗我臣殺
害義繼并斬其從人時輝宗年四十

二送柩于長井庄資福寺葬奠如禮
式法諱受心字性山號覺範寺遠藤
山城內馬場右衛門殉死收拾義繼
屍命使臣送之於二本松

同月十五日攻二本松所過村邑皆
燒屠進到城下挑戰城主尚幼境內
將亂老臣新安彈正獨任六尺之託

而有不可奪之志義士從以入城堅
壁不戰攻擊數日緊守不降仇作義
重會津義廣岩城常隆出兵救二本
松時既仲冬雪深數尺征馬不前堅
冰在鬚諸將請班師於是不得已悲
恨交滿揮淚而歸

十一月義重與義廣常隆白川義親

石川顯光合兵三萬餘來暴略安積郡攻下中村城政宗急往岩角悉召闔境之兵馳聚者七八千令富塚近江兼折攝津伊藤肥前領輕卒二百人各持鳥銃守高倉城瀨上中務中島伊勢濱田伊豆櫻田右兵衛守本宮城白石若狹守玉井城時細作來

報曰敵大軍陣于前田澤之南明日必攻高倉耶若其不然必本宮耶即日政宗往本宮也而本宮高倉之間有觀音堂山次日政宗負其山東南面而陣以顧救兩城也伊達兵庫元宗同氏美濃重宗國分彦九郎盛重伊達上野政景片倉小十郎景綱原

田丸馬宗長各々分陣段々備兵以
與本陣相接也凡其兵四千伊達成
實獨負其山西南面而陣以壓荒井
一帶路之敵其兵一千餘陣前有一
淺溝架梁若人取橋此日敵分軍取
路三條來一軍最是太衆自前田澤
過高倉城西擂鼓徐々來向本陣一

軍自荒井一條路指人取橋來一軍
留在中間而爲兩軍之後軍于時富
塚近江伊藤肥前在高倉城相議曰
目今敵兵過城邊我本陣兵寡其勢
至危吾等欲出城攔戰如何城主高
倉近江兼折攝津皆曰出兵向太軍
猶用撮土塞大川沛然能禦之乎肥

前與富塚近江曰縱雖戰敗入城勾
引敵兵分其勢猶愈束手而已卒衆
皆從其言於是近江守城肥前出城
令輕卒二百人放銃自率騎士三十
步卒若干橫衝大軍斬甲士二人
茂庭依月及士卒若干適自觀音堂
來助戰敵勢驚縮前鋒將敗岩城常

隆令力生手助戰衆寡不偶肥前退
入城自觀音堂來者皆望本陣而走
壯士十餘騎回馬振策並衝入他軍
軍厚不得再出唯中村八郎右衛門
大町清九郎得衝透而還茂庭依月
爲押後卒七十餘不能帶甲冑頭着
黃絮帽獨在亂兵之後其使衆也如

手足敵兵叫曰勿著眼於他人但討
黃帽子遂討仇月乘勢大進時成實
麾下有豪士下郡山内記者見先陣
之敗就勸成實拔其旗付步卒曰速
去之可也先陣將敗敵大軍進來安
能抵住成實不動曰大敵者武夫之
所素望也吾如戰敗有死而已乃令

士卒橫鎗而坐取其旗復立於馬前
須臾敵進來成實迎戰於人取橋之
前下郡山内記羽田右馬伊庭遠江
當先交鎗其苦戰不知幾合於是彼
此死傷者各數十人敵兵見其不可
犯少卻旣而仇月死我卒肩之走去
敵兵競來幾平本陣伊達元宗同氏

皇宗國分盛重伊達政景各率兵迎
接奮戰片倉小十郎原田九馬合擊
士卒皆爭先進衝乘銳崩之敵兵亂
走與後軍合也敗死者衆成實亦進
兵挑戰敵兵退走與後軍合也三軍
前後相並而去日旣昏黑我兵悉戰
疲不能追擊之使人見之則各歸本

所去是日政宗贈書勞問成實其趣
曰今日獨在大敵兩軍之間與我陣
相去遠交戰數合遂追敵而別可謂
卿一身亦都是膽也時成實年十八
政宗年十九次日喚伊藤肥前感忠
戰辟其第二子賜采地濱田伊豆白
言昨日大町三河同氏源四郎父子

相並而死中村八郎右衛門斬敵二十人許政宗感其勇敢後賜米地稱備前大町清九郎後稱飛驒賜米地領銃手百人其餘或交鎗或獲首者不可勝記焉

今高倉道中有觀音堂人取橋與昔之所在異ニト所云也

同十四年丙戌二月二本松家下三輪玄番氏家新兵衛遊佐丹波同氏下総堀江越中因伊達成實求内附政宗喜

同年四月又攻二本松玄番新兵衛來謁新安彈正守城攻擊及數日山嶮城高確トク卒不可拔政宗恐援兵之

至乃留一軍以遠圍城外自帥一軍
入小濱城以把斷援兵之來路而虎
視二本松城中城中大屈降者較多
相馬義胤爲城主乞命憐其孤弱赦
之城主國王凡燒城而去其餘子城
皆降於是命使臣詣輝宗廟告成功
乃以成實爲二本松主景綱爲大森

主白石若狹爲塩松主田村宗臣大
越紀伊爲小牟森主其餘增采地者
各有差

同年十一月田村清顯卒無嗣嘗有
言曰我無家督他日政宗有子養之
爲子也是故其臣田村月齋橋本刑
部等每家事聽於政宗乃謂方今群

雄並爭各任威力以併吞近郡若非
倚賴政宗難保田村也而與同列田
村右衛門同氏梅雪大越紀伊有隙
相馬義胤者清顯夫人之甥也陰望
田村因撫梅雪右衛門等和睦也是
故田村家下面從政宗而心因相馬
者甚衆一日義胤欲奪城偽爲訪叔

母躬自着袴帶從者百餘人別令甲
士數百潛在城邊梅雪預在城竄義
胤刑部聞之急遽入城令士卒把守
城門叱梅雪曰汝欲賣此城耶梅雪
無面而退義胤既至幾入城守兵多
放鳥銃爲所打其馬鞍不能入乃去
望北門亦既閉焉遂狼狽而歸

大崎家下有新田刑部者風姿秀美
爲義隆被親幸恃愛驕恣後漸見踈
旣而伊場惣八郎自微賤擢用事以
其無執族憑恃氏家彈正刑部親族
甚盛皆怨義隆陰謀不臣之事彈正
沮其謀以告義隆刑部等聞之自以
爲危乃登城誘執義隆爲質以歸逼

勸討彈正義隆不得不肯遂矯其言
召兵彈正聞之深怨義隆曰忠爲不
忠姦爲忠臣奈何吾斂手待死亡耶
乃告事於政宗請兵乃遣兵救之以
伊達上野政景爲總師督泉田安藝
濱田伊豆宮内因幡副之小山田筑
前堂摩山岡志摩監軍事

同十六年戊子二月戰於師山互有
勝負筑前以手鎗刺敵又追一人殘
雪平白地面不辨誤馳馬陷泥中策
之奮敵兵蜂集為所刺死其晨所
乘馬有言人傳為恠政宗欲遣援兵
以四境多事而止也政景引兵而歸
氏家彈正出奔大崎家臣諫刑部等

遂復立義隆為主

三月大内備前自來訖曰吾嘗背恩
義投會津義廣視吾以為有芥無柯
被遇甚薄以故冒羞面來謝如不忘
奮好幸見憐而已政宗欲斬之成實
欲招降其弟片平助右衛門因以諫
說遂被赦後賜采地以其有功勞也

四月大越紀伊以小手森畔月齋刑
部請討之

同月十四日政宗進軍相馬義胤至
築山以救紀伊分兵守石澤城時苦
雨連月收兵不戰

五月十六日政宗屠拔小手森紀伊
遁奔明日欲攻石澤城當夜大雨迅

雷比及夜半火氣浮空見於東南使
久見之則義胤燒城而去石澤城亦
潰

六月立清顯甥孫七郎為田村之嗣
也

佐竹義重欲攻伊達其臣東中務諫
曰今政宗孤弱而君已老矣師大衆

往戰雖勝不足以為功萬一不勝奈
面目何義重不聽

同月十日與會津義廣合岩城須加
川兵來于安積郡也岩城常隆家督
與義廣乃義重之子也政宗聞之急
赴安達郡杉田令大所宮内中村主
馬塩森六郎右衛門小島右衛門大

細金七郎領持銃手二百人與城主
共守郡山城飯坂右近大嶺式部與
城主共守窪田城瀨上中務與城主
共守福原城大條尾張與城主共守
高倉城

同十四日登窪田三王山見敵之軍
容歸至安積山呼謀臣武夫議曰我

欲往而對陣如何。素折點了。小築川
泥蟠諫曰。今見敵兵。其士卒可三萬
我兵處々守城麾下。只六千餘耳。安
能對陣。政宗曰。如吾不對陣。則眼前
城邑皆爲烏有也。所在士衆常奔走
於吾者。豈徒耶。其心在望恩於危急
之秋也。而今如不顧恩義。何之有。雖

成敗之危。不可以欠義。自古皆有死
存亡在武家爲常事。吾何憂於是。無
敢復言者。諸將皆感泣。共退議其所
陣。濱田伊豆曰。朴澤之原可也。其背
後有沼。宜以劄營也。伊藤肥前曰。今
番以寡對衆。平原曠野。不宜布陣。只
福原之前可也。與窪田高倉城相望。

勢援以爲有便且對陣於是高議已定

同十六日昧爽陣于福原之前田村
孫下郎濱田伊豆富塚近江原田左
馬遠藤文七郎片倉小十郎白石若
狹等各受其所而營伊達成實營最
爲諸營之先也高壘深溝結柵二重

諸將亦各下寨柵

同十八日大軍來挑我兵守壘不戰
敵至晚而退成實增修溝壘夜間出
士卒百餘巡視以備於夜警及昧旦
回營敵兵見之以爲國中士卒往々
來聚也義重義廣欲大戰以決雌雄
川井甲斐東中務諫曰敵雖兵寡溝

壘如城，雖戰不利，不如分兵把斷道路，而移陣逼於郡山城。義重、義廣善其計，令騎步若干築砦于福原郡山之間，因此道路將斷，而城與我陣音耗不通，其勢共孤也。於是政宗亦築砦相對，一面有窪田川，三面下寨柵，乃命諸將輪班更代衛寨柵，以救郡

山也。於是往來自如，消息復通。

七月四日，伊達成實、片倉景綱當番衛寨柵。是日，會津永沼城主新國上總率騎步百餘過寨柵之前，成實、景綱令片倉藤九衛門率步卒二百人追之。藤九衛門者，景綱之弟也，悍而少思，因戒曰：「勿遠追。」藤九衛門堅

諾而出追北擊二十餘人棄而不還
時敵木衆出砦中雲卷之成實景綱
不忍見而不救出戰大敗之敵走入
砦中我兵將還佐竹會津岩城須加
川之衆又出砦中相接成實景綱不
得還若戰良久於是我諸將各率兵
來政宗亦潛來督戰敵多々益出兵

是日伊藤肥前掌麾見敵兵之多謀
罷戰之事然交接紛拏不可以分收
於是匹馬單鎗直進衝他堅陣我兵
不忍弃肥前相繼死戰無不一當百
敵兵大敗入砦中追而擊之獲首二
百二十餘級我兵死傷者四十餘人
肥前逼于他營門支戰遂鬪死諸將

各收兵而退政宗歸福原群下皆賀
戰勝政宗曰今日雖得利只一小快
耳雌雄未分我欲明日自執麾直抵
他陣中踏破溝壘決生死之戰諸將
各努力點了泥蟠諫曰主公自手把
弓箭以來未見一戰塗地之敗如其
有失則前功亦廢也今日得奇捷肥

前之力也今又造次決死戰不念諸
將之甚也諸謀士皆固諫政宗快々
而止也敵亦自一敗亡膽後戒守不
戰其相持也前後共兩月岩城常隆
爲義重義廣乞和親政宗不許曰老
將遠涉吾亦幸遇安得無勝負石川
大和守因成實來謁與常隆同乞和

親歎訴不已政宗稍解遂許之八月
十六日兩陣拔柵而起

同年冬田村梅雪同氏右衛門恐罪
奔於岩城以與義胤交結也月齊刑
部逐其殘黨因是常隆有窺田村之
意政宗知其意與群臣議皆曰宜先
有事於彼以塞其姦萌阿子島高玉

皆與彼有輔車之依宜先破除之片
平助右衛門亦爲之藩屏令其兄大
內備前招說彼必服政宗善其計以
命備前乃修書招說助右衛門喜以
城地降政宗即欲發兵會不豫而止
也

同十七年己丑四月廿七日出馬助

右衛門來助

五月三日次于本宮明日攻阿子島
既破其外城城主治部大夫獻城而
去

同月六日攻高玉其月城已破內城
尚存城主大郎左衛門刺殺妻子開
門突出而死其妹婿荒井木工開門

突出及三次遂與成實家下羽田右
馬交鎗而死其餘戰死者六百餘人
我兵亦死傷多矣自日出始攻城至
落日而畢

岩城常隆相馬義胤共有欲襲田村
之意常隆來於小野義胤來於岩井
澤政宗聞之遣大條尾張瀨上中務

乘折攝津守田村城然以其兵寡尚
恐其有失以故遣成實景綱白石若
狹代尾張中務攝津保田村尾張等
還於是欲襲義胤後

同月十八日召近郡兵以攻相馬屬
縣駒嶺城已破其外郭城主避城而
逃

同十九日攻新地城城主因伊達元
宗乞降欲許之是夜城中有火守兵
多羅池魚之殃而死於是復收前世
所亡故境政宗乘船到磯山一日替
留以黒木肥前爲駒嶺主伊達美濃
爲新地主高野壹岐爲凡森主
常隆義胤聞成實景綱之來以勒兵

不戰田村邊界得以無事也

政宗密遣僧三藏軒說會津家臣猪
苗代彈正三藏軒往對共叙離濶了
言曰卿今守孤城在此邊界遠離於
君而密通於敵易於生疑阻難於為
防守二者皆危地吾聞去危就安轉
禍為福智者之事也卿豈不思自全

之計耶彈正聞之猶豫不決軒曰卿
徘徊危國貪姑息之勢譬猶涸轍之
魚樂於秋潦吾為卿計之無如早屬
我府君今其去暗投明府君必重荷
其德重賞厚祿豈惟主一城榮於一
鄉哉宜早避包桑之危決子孫永安
之計良時在茲勿遲回彈正曰然乃

令子爲質，軒帶携而歸。政宗大悅，乃
傾伊達信夫、刈田、柴田數郡之兵，以
守田村。遣成實、景綱直往守，猪苗代
城。

常隆尚在小野，切窺田村，而以孤軍
無進取之力，呼佐竹、義重、會津、義廣，
義廣從以就途。旣在須加川，聞彈正

叛，星夜歸若松，乃欲悉兵以襲猪苗
代。義重益兵，政宗察其意，欲自往以
保固。猪苗代時，以軍士多在田村，從
兵甚寡，衆皆以爲危。政宗曰：「吾往，猶
危。况成實、景綱以寡兵戍孤城，卒吾
不忍以左右手爲餓虎之餌。」遂往，士
卒不暇食，僅帶甲冑，輒從。乃令原田

尤馬督騎步若干由檜原口入取大
鹽城北及夜半政宗到猪苗代城彈
正迎謁乃携其質子來還之彈正深
感其赤心翌晨

六月五日與成實景綱共議軍事時
間使報警來曰會津軍驟至登敵樓
見之果然政宗部署諸將第一隊猪

苗代彈正二隊片倉景綱三隊伊達
成實四隊白石若狹五隊本旗就山
坡而陣令旌旗多伏于左右林中六
隊濱田伊豆七隊大内備前後軍片
平助右衛門出備于摩上之原凡其
兵五千會津軍十三隊過新橋向湖
水燒却村家望磐提山越摩上坂來

彈正迎戰於摩上之原，鬪死者互多。
彈正將走，景綱助戰，苦戰良久，敵大
衆更戰，景綱將敗，成實若挾自左右，
直進一齊衝中堅，遂大擊敗之。敵兵
走，與本旗合也。義廣勵敗兵，率麾下，
擗鼓大進，乃擊我兵，敗之。政宗吶喊，
一聲擁本旗自山坡出，林中旌旗皆

起，敵見其旗，大驚，旌旗颯動，隊列交
錯。我兵乘勢競進，成實、景綱回轡，又
戰。大町飛驒馬場，藏人當先獲首，敵
兵大敗，旋走。旋戰已及摩上山，方其
下坂時，軍脚大亂，上下不分，前後無
次。我兵追之甚急，蹂藉者相枕，及至
新橋，相推投于河水，溺死無算。義廣

從間道走脫入若松是夜政宗亦收
兵入猪苗代城乃檢所獲之首其數
二千五百餘級溺死者除此數於後
瘞其首土人號曰三千塚次日進軍
至金川多放鉄炮劫守兵力守不去
是日已暮矣乃就野而宿明日調攻
具其夜金川三橋塩川守兵皆散既

而龙馬往大塩其城主聞義廣有麿
戰之敗弃城而去龙馬一覽空城來
會政宗於金川乃命攻築取城急攻
拔之政宗前至三橋替滯數日會津
重臣富田美作新國上総平田不林
齋同氏周防率衆而降自餘卷旗之
士卸甲之徒日衆義廣憂懼十日夜

間奔白川會津數郡悉平十一日政
宗入若松城逗留踰月召邑吏縣令
索見戶籍計帳賜食邑五百貫於猪
苗代彈正食邑百貫於原田左馬自
餘增采邑者數十人義重攻田村界
分大平城拔之常隆攻門澤城拔之
守兵皆遁去惟我家下中島右衛門

茂庭理兵衛守門揮手鎗以各刺敵
三人遂兩人枕藉而死政宗憐惜之
遣伊達成實白石若狹原田左馬平
田周防與伊達信夫等兵共合保田
村常隆侵田村邊邑下枝田村家人
擊敗之獲首五十餘級義重亦不克
而歸

同年十月欲攻須加川率軍次于片平是報往年須加川城主助義重踏我地也田村孫七郎來會於是須加川家臣保土原江南濱尾善齋矢部下野等皆降

同月廿五日與群臣曰矢田野橫田孰先攻江南曰本城已陷則其餘不

攻而降也不如先攻須加川又問其守兵幾多江南善齋皆曰并佐竹岩城之兵不過五百騎是日旣是乃結野營士卒皆露次

同月廿六日昧且攻須加川城政宗從數騎往覘城邊之體城中出步卒二百許放鳥銃政宗欲攻擊其卒追北

入城乃召新國上総白石若狹四保
但馬等進攻由八幡崎而入大内備
前片平助右衛門伊達成實片倉景
綱進攻由雨號口而入也政宗退就
岩瀬森而陣城中出兵於兩邊相戰
備前助右衛門敗走成實更戰乃擊
破之追北入郭内放火烧市廓片倉

景綱見諸將亂擊獨堅備觀不虞之
變時西風大起火焰轉熾遂延燒城
樓守兵多燒死城主幸免而生矣八
幡崎敵兵見本城之燒尚能力戰互
有勝負二騎最揮精神政宗望見歎
曰希世逸物也一人年可二十一人
三十餘乃命田村月齋曰速生擒來

月齋帶數騎往須臾拈捉兩人來大
波新四郎年才一遠藤壹岐年三十
五左右皆恠先識其年紀政宗曰一
人體勢如雷神所向不量可否進退
共危實少年之態也一人體勢雖便
捷前却加意其進也為先其奔也為
殿非中年不能焉左右聞之服其識

量遠藤壹岐服從為臣後數有功也
大波新四郎不屈而奔也既而須加
川城兵散去其餘子城和田橫田矢
田野或潰或降乃出號令撫諭境內
使百姓案堵須加川界令悉平留滯
一月餘此時白川義親石川顯光皆
降於是收仙道七郡岩城常隆震恐

乃歸所侵田村之地以謝罪於政宗也

豐臣秀吉公素聞其名因而求良鷹乃獻之公喜報聘以名刀号錕國行蓋匪報之欲永以為好也

十二月朔日政宗歸若松威名大震兒童走卒莫不誦其名也是時所

有之地西接越後東盡三春北窮海濱跨于出羽南至白川於是自下野國那須邊至于上野國館林城主遠響遙應自餘贈盟書以約內附執謁并于麾下者不知其數矣家臣請修城壁政宗曰勿修吾豈鬱々久居此哉乃心謂一旦舉旗於關東從所

從者敵所敵者爭衡於天下也是後
近郡之事置而不議一舉萬里之思
鬱乎而以新開土境先鎮撫國內賞
勞功臣調軍用以待時機之宜方年
二十四

同十八年庚寅伊達兵庫元宗同氏
美濃重宗與相馬守胤戰於小豆畑

死傷互衆遂破守胤獲其第三男高
胤首

同年春秀吉公征相州北条氏政三
月五畿南海山陰山陽北陸及近江
美濃伊賀兵二十萬餘且

東照宮大權現率三河遠江駿河甲斐
信濃兵二萬五千信雄率伊勢尾張

兵一萬五千，共到相州。同十九日，秀吉公出京，到小田原，攻下山城，陷八王寺城。上杉景勝、佐竹義重馳聘使到小田原。政宗聞之，驚嘆良久，曰：「吾事去矣。」景綱曰：「願速往，以勞問京軍。雖事已晚，猶愈乎已也。」成實不悅，曰：「其事首尾已料，倘不如意，悔之將

及耶？諸將皆持兩端也。於是先遣使覘小田原之體。

大權現因其使勸曰：「速來，勿遲誤。」加賀利家、淺野長政亦爾。使還以白之。及是，不得不往。密囑成實、景綱以國事，二臣替首受命。既而留宿將舊臣皆在國內，自所帶多半新附降臣也。

四月發會津指武藏就途道路不通
却回米澤過越後經甲斐已及五月
到箱根政宗帶甲冑上加素服示欲
聽命而自殺也乃通來意於秀吉公
乃命居底倉山中至是降臣皆道亡
又爲處々關守所抑損從兵只僅剩
得三十餘人皆謂此行等閑死于此

矣竝罪二月淺野長政稻葉善祥坊
施藥院俱來詰問以謁見遲慢及取
會津之由政宗曰吾嘗有故以討大
內定綱時爲義廣所折父輝宗以不
幸死以其讎方伐二本松又爲彼所
妨自是結怨始深遂及一戰得其城
地所以謁見遲緩則因道路梗塞也

非敢致踈慢也。三使聽畢而歸。間一日而來曰：以嚮所謝旨，具陳懇於公。然而公尚不以為無罪，宜贖以所併郡縣。如然，至於封域可全也。是雖非秀吉之命，亦其旨也。政宗聞之曰：容易耳。今吾離國家，身為匹夫，來謝生死，惟命是聽。郡縣何足辭？卿等歸為

吾善，申報三使歸，以白公。曰：其然，乃被召往謁。公坐幕內，相對以杖，指小田原，共評攻戰之事。良久而退。時聞利休在陣，往問茶湯之禮。公聞之，嘉其有風裁，曰：雖生東鄙，不似遠國人。乃遣還國。六月二十日入治府。七月七月，小田原城陷，乃夷北条族。

氏直獨被免關東悉平

奧列九部城主修理亮政實叛屢侵
旁縣奧列騷然

同月秀吉公赴會津蓋欲鎮服奧列
也既而次于下野國宇都宮蒲生忠
三郎氏鄉淺野彈正少弼長政等從
之政宗迎謁公喜乃假構茶亭享政

宗及片倉小十郎景綱親點茶賜之
款談有頃而退公命氏鄉長政政宗
等攻九部城政宗歸治府整兵未至
政實避城而降

